

## Ո Ր Ո Շ ՈՒ Մ ԹԻՎ 273/6

### (Վարչական վարույթը վերսկսելու և վարչական տույժ նշանակելու վերաբերյալ)

«14» ապրիլի 2023թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ՝ Հայկ Միրզոյանս, քննելով քաղաքացի Անդրանիկ Լյուդվիգի Մխիթարյանի (քաղաքացիություն՝ ՀՀ, անձնագիր՝ AT0384199, ծնված՝ 01.04.1974թ., հասցեն՝ 0910 ՀՀ Արմավիրի մարզ Մեծամոր, Մեծամոր 3 թղմ., 8-1) կողմից մաքսային կանոնների խախտման վերաբերյալ գործը,

## Պ Ա Ր Զ Ե Ց Ի

### 1. Գործի նկարագրությունը:

Քաղաքացի Անդրանիկ Մխիթարյանի կողմից 01.10.2021թ. Բագրատաշենի մաքսային կետ-բաժնով թիվ 05100033/011021/0000656877 մաքսային մուտքի օրդերով 364 օր ժամկետով, ժամանակավոր ՀՀ է ներմուծվել «MERCEDES-BENZ» մակիշի VIN-WDF63960313230054 նույնականացման համարով, AA7627TB պետհամարանիշով, 2006թ. արտադրության տրանսպորտային միջոց, որի ներմուծման ժամկետ սահմանվել է մինչև 30.09.2022թ., սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

### 2. Սույն վարչական գործի քննության համար նշանակություն ունեցող փաստեր:

- 01.10.2021թ. լրացված թիվ 05100033/011021/0000656877 մաքսային մուտքի օրդերի հիման վրա հետագա արտահանման պարտավորությամբ ժամանակավոր ՀՀ տարածք է ներմուծվել «MERCEDES-BENZ» մակիշի VIN-WDF63960313230054

նույնականացման համարով, AA7627TB պետհամարանիշով, 2006թ. արտադրության տրանսպորտային միջոց:

2. ՀՀ ՊԵԿ Ներքին անվտանգության վարչությունից ստացված սահմանահատման պատմության համաձայն վերը նշված տրանսպորտային միջոցը սահմանված ժամկետում փաստացի չի արտահանվել ՀՀ տարածքից:
3. 01.10.2021թ. լրացված թիվ 05100033/011021/0000656877 մաքսային մուտքի օրդերի հիման վրա հետագա արտահանման պարտավորությամբ ժամանակավոր ՀՀ տարածք է ներմուծված «MERCEDES-BENZ» մակիշի VIN- WDF63960313230054 նույնականացման համարով, AA7627TB պետհամարանիշով, 2006թ. արտադրության տրանսպորտային միջոցի՝ խախտման օրվա դրությամբ «Ներքին սպառման համար բացթողում» մաքսային ընթացակարգով հայտարարագրման դեպքում առաջացող մաքսային վճարները կազմում են՝ միասնական դրույքաչափով վճար՝ 4,083,744 ՀՀ դրամ, բնապահպանական հարկ՝ 242,000 ՀՀ դրամ:
4. 15.12.2022 թվականին կազմվել է մաքսային կանոնների խախտման վերաբերյալ արձանագրություն: Գործի քննություն է նշանակվել 17.01.2023թ. ժամը 12:00-ին, որի վերաբերյալ հայտարարագրման ժամանակ վերջինիս կողմից հայտնաձև հասցեին ուղարկվել է ծանուցագիր, սակայն ծրարը վերադարձվել է «Չպահանջված» նշագրմամբ: Գործի քննությունը տեղափոխվել և նշանակվել է 15.02.2023թ. ժամը 12:30-ին, որի վերաբերյալ ՀՀ ոստիկանության և անձնագրային վիզաների վարչության կողմից տրամադրված հասցեով /հասցեն համընկնում է/ ուղարկվել է ծանուցագիր, սակայն ծրարը վերադարձել է «Տեղափոխված» նշագրմամբ:
5. Հարցումներ են ուղարկվել ՀՀ ոստիկանության և անձնագրային վիզաների վարչություն, ՀՀ կադաստրի կոմիտե՝ Անդրանիկ Մխիթարյանի ՀՀ-ում հաշվառված լինելու վերաբերյալ, ինչպես նաև ՀՀ-ում գրանցված գույքի վերաբերյալ տեղեկատվություն ստանալու նպատակով:

Համաձայն ՀՀ ոստիկանության և անձնագրային վիզաների վարչության կողմից տրամադրված գրության՝ ՀՀ ոստիկանության անձնագրային և վիզաների վարչության բնակչության պետական ռեգիստրի տվյալների համաձայն քաղ. Անդրանիկ Լյուդվիգի

Մխիթարյանը ծնված՝ 01.04.1974թ. 19.06.2022թ.-ից փաստացի հաշվառված է «ՀՀ Արմավիրի մարզ Մեծամոր, Մեծամոր 3 թղմ., 8-1» հասցեում:

Համաձայն ՀՀ կադաստրի կոմիտեի կողմից տրամադրված գրության՝ Կադաստրի կոմիտեի էլեկտրոնային արխիվի տվյալների՝ քաղաքացի Անդրանիկ Լյուդվիկի Մխիթարյանի (անձնագիր՝ AT 0384199, ծնված 01.04.1974 թ.) անվամբ ՀՀ տարածքում անշարժ գույքի նկատմամբ իրավունքի պետական գրանցում կատարված չէ:

6. ՀՀ ՊԵԿ Արևելյան մաքսատուն-վարչության պետի 15.02.2023 թվականի որոշմամբ կայացվել է «Վարչական վարույթը կասեցնելու մասին» թիվ 99/6 որոշում:
7. Սույն մաքսային կանոնների խախտման վերաբերյալ գործը քննվել է իարվահարաբերության ծագման պահին գործող ՀՀ մաքսային օրենսգրքի 219-րդ հոդվածի 2-րդ կետի ուժով:

### **3. Սույն գործի փաստական և իրավական հիմնավորումները, վարչական մարմնի եզրահանգումները:**

««Եվրասիական տնտեսական միության մաքսային օրենսգրքի մասին» պայմանագրի 264-րդ հոդվածի 1-ին կետի համաձայն օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով:

Սույն Օրենսգրքի 259-րդ հոդվածի 2-րդ կետում նշված օտարերկրյա ֆիզիկական անձանց կողմից՝ անդամ պետություններում և Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով:

Անդամ պետությունների ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով:

Նույն հոդվածի 5-րդ մասի 1-ին պարբերության համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մաքսային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման»:

Իրավահարաբերության ծագման պահին գործող ՀՀ մաքսային օրենսգրքի 189-րդ հոդվածի 1-ին մասի համաձայն՝ «Մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն»:

Նույն հոդվածի 2-րդ մասի համաձայն՝ «Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

Իրավահարաբերության ծագման պահին գործող ՀՀ մաքսային օրենսգրքի 199-րդ հոդվածի 1-ին մասի համաձայն՝ «Հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ»:

Իրավահարաբերության ծագման պահին գործող ՀՀ մաքսային օրենսգրքի 219-րդ հոդվածի 2-րդ մասի ուժով սույն վարչական գործը քննվել է Անդրանիկ Մխիթարյանի

բացակայությամբ /Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս/:

Ուսումնասիրելով ներկայացված նյութերը, մաքսային մարմինը փաստում է, որ վերջինս սահմանված ժամկետում չի արտահանել իր կողմից ժամանակավոր ՀՀ ներմուծված տրանսպորտային միջոցը կամ չի ձևակերպել այլ մաքսային ընթացակարգով: Սահմանված ժամկետում չարտահանելով վերոնշյալ տրանսպորտային միջոցը կամ չձևակերպելով այլ մաքսային ընթացակարգով նա ցուցաբերել է անգործություն, որի արդյունքում խախտվել է հետադարձ արտահանման պարտավորությունը:

Այսպիսով, վարչական մարմինը, քննելով գործում առկա ապացույցները, գտնում է, որ նշված տրանսպորտային միջոցի հետագա արտահանման պարտավորության չկատարման համար Անդրանիկ Մխիթարյանի արարքում առկա է իրավահարաբերության ծագման պահին գործող ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներ, ինչը հիմնավորվում է վարչական վարույթի նյութերով:

#### **4. Եզրափակիչ մաս:**

Ելնելով վերոգրյալից, ղեկավարվելով իրավահարաբերության ծագման պահին գործող ՀՀ Մաքսային օրենսգրքի 199-րդ, 206-րդ, 221-րդ հոդվածներով, «Վարչարարության հիմունքների և վարչական վարույթի մասին» ՀՀ օրենքի 49 հոդվածի 3-րդ մասով և «Վարչական իրավախախտումների վերաբերյալ» ՀՀ օրենսգրքի 214-րդ, 234-րդ հոդվածներով՝

### **Ո Ր Ո Շ Ե Ց Ի**

1. Իրավահարաբերության ծագման պահին գործող ՀՀ Մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար քաղաքացի

Անդրանիկ Մխիթարյանին ենթարկել վարչական պատասխանատվության տուգանելով՝  
2,162,872 ՀՀ դրամի չափով:


2. Որոշման մասին հայտնել Անդրանիկ Մխիթարյանին:

3. Պարզաբանել, որ իրավահարաբերության ծագման պահին գործող ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և ՀՀ մաքսային օրենսգրքի 222-րդ հոդվածի 2-րդ մասի համաձայն որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

*Սույն որոշմամբ նշանակված տուգանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արևելյան մաքսատուն-վարչություն, ԿՈԴ 29):*

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ՝



ՀԱՅԿ ՄԻՐԶՈՅԱՆ